

## BWEA Bwletin Ynni Adnewyddol Cymru Rhifyn 04 - Ebrill 2007

Os nad ydych wedi gwneud hynny eto, a fydddechystal â sicrhau eich bod yn tanysgrifio i rifynnau electronig yn y dyfodol drwy fynd i [www.bwea.com/mail](http://www.bwea.com/mail).

### Galwad Etholiadol:

#### Ewch i'r Afael â'r Newid yn yr Hinsawdd - Cefnogwch Bŵer Gwynt

Ar y 3ydd o Fai, fe fydd yr etholiadau i'r Cynulliad Cenedlaethol yn cael eu cynnal. Y mae'r cyfnod sy'n arwain atynt yn rhoi cyfle i'r cyhoedd holi'r pleidiau gwleidyddol ynglŷn â'u polisiau o ran rhoi sylw i'r newid yn yr hinsawdd. Fe gaiff y pleidiau a'r ymgeiswyr eu hunain gyfle i egluro'u polisiau yn ymwneud ag ynni adnewyddol ac yn neilltuol, i roi'u cefnogaeth ddiamwys i ynni gwynt fel yr unig ateb uniongyrchol syth, dichonadwy ac ymarferol i sefyllfa ynni adnewyddol sydd yn awr ar gael i gyrraedd targedau brys. Fodd bynnag, gyda maniffestos polisiau'r Plaid Lafur, Plaid Cymru, y Ceidwadwyr a'r Democratiaid Rhyddfrydol bellach wedi'u cyhoeddi, y mae'r BWEA yn bryderus nad oes hanner digon o sylw wedi'i roi eto i gynhyrchu ynni glân a di-garbon; nid yw tri o'r pedwar maniffesto yn crybwyll pŵer gwynt.

***Y mae yna dueddiad i'r pleidiau gwleidyddol osgoi atebion realistig ac ymarferol i fynd i'r afael â'r newid yn yr hinsawdd. Y mae angen i wleidyddion sylweddoli difrifoldeb y sefyllfa a'r dewisiadau sydd ar gael i leihau gollyngiadau nwyon tŷ gywdr yn aruthrol ac yn uniongyrchol syth. Os ydym yn mynd i ostwng carbon a chyrraedd y targedau ynni adnewyddol ar gyfer 2010 a 2020, yn ogystal â chyfrannu tuag at dargedau cynyddol y Deyrnas Unedig a'r Undeb Ewropeaidd, yna pŵer gwynt ar y tir ar hyn o bryd yw'r prif ddewis ar gael.***

Y mae'r BWEA yn gobeithio mai'r newid yn yr hinsawdd a materion ynni fydd un o'r prif bynciau trafod yn ystod yr ymgyrch etholiadol, gan ei fod yn adlewyrchu'r pryder taer sydd gan yr etholwyr ynglŷn â'r mater. Fe anogir ymgeiswyr etholiadol pob plaid i ymuno â'r farn gyhoeddus a lleisio'u cefnogaeth dros ynni adnewyddol, ac yn neilltuol dros ynni gwynt ar y tir, fel ateb parod i broblem enbyd.

### Fferm Wynt Blaengwen

Y mae Force 9 Energy wedi derbyn caniatâd cynllunio oddi wrth Gyngor Sir Caerfyrddin ar gyfer ei fferm wynt ddeg tyrbîn ger Alltwalis a Phencader. Hwn yw'r cais cynllunio cyntaf i gael ei gymeradwyo yn Ardal Chwilio Strategol G, ac y mae'n rhoi Force 9 Energy ar flaen gad datblygiad ffermydd gwynt yn yr ardal hon, a anogir gan bolisi cynllunio ac a gefnogir gan TAN8. Fe fydd gan y fferm wynt uchafswm cynhwysedd gosodedig o 30 MW.


Yr oedd y cais gwreiddiol am y fferm wynt wedi bod gyda'r Cyngor ers mis Ionawr 2005. Fe gymeradwywyd y cais gan y pwyllgor cynllunio ym mis Awst 2005 ond er syndod fe'i gwrthdrowyd gan Bwyllgor Gwyriadau'r Cyngor, pwyllgor sydd bellach wedi'i ddiddymu hyd nes y ceir canlyniadau astudiaeth gan Ove Arup i goethi Ardal Chwilio Strategol Coedwig Brechfa. Fe wnaeth yr astudiaeth hon ar ôl hynny gadarnhau safle Blaengwen fel lle sy'n addas yn dechnolegol ac o safbwynt tirwedd ac o safbwynt gweledol ac sy'n gallu gwneud cyfraniad arwyddocaol tuag at gyrraedd targed cynhwysedd Coedwig Brechfa o 90 MW erbyn 2010. Y mae gwaith ar y prosiect yn debygol o ddechrau yn ystod y 6 i 12 mis nesaf, gyda'r gwaith adeiladu wedi'i amserlennu i gael ei gwblhau yn 2008.

Fe ddywedodd Jerry Sturman, Rheolwr Datblygu Busnes yn Force 9 Energy: "Yr ydym wrth ein bodda bod astudiaeth Arup wedi cadarnhau dewis Force 9 Energy o safle a bod y cais wedi'i gymeradwyo ar ôl asesiad trylwyr iawn. Y mae'r safle mewn lleoliad delfrydol ac fe ddaw â llawer o fuddion i'r gymuned leol."

### Cynnydd tuag at dargedau TAN8

Y mae Llywodraeth Cynulliad Cymru wedi gosod targedau pendant ar gyfer cynhyrchu ynni adnewyddol yng Nghymru erbyn y flwyddyn 2010, ac y mae Bwletin Ynni Cymru yn cadw golwg ar gynnydd. Nid oes yna MW ychwanegol wedi'i gynhyrchu gan bŵer gwynt ar y tir ers mis Mehefin 2006, sy'n golygu bod Cymru 74% yn hwyr yn ôl yr amserlen.

#### Ynni Gwynt ar y Tir – cynnydd tuag at darged TAN8, a fabwysiadwyd ym mis Gorffennaf, 2005



**Cysylltwch â** Llywelyn Rhys, Swyddog Cymru BWEA

t 07875 434 049

e [llywelyn@bwea.com](mailto:llywelyn@bwea.com)